

沈雲龍教授主編

近代中國史料叢刊

第二十七輯

文海出版社印行

近代中國史料叢刊第二十七輯

沈雲龍主編

宮傅楊果勇侯自編年譜

楊芳撰

文海出版社印行

# 近代中國史料叢刊

沈雲龍教授主編

近代中國史料種類之繁，卷帙之多，遠過其他時代。就內容而論，可別爲原始資料（Primary sources of materials）與次要資料（Secondary sources of materials）兩類。前者如歷朝實錄、東華錄、政治官報、大臣奏疏、外交檔案、名臣專集、函牘手扎、日記、自訂年譜、回憶錄等；後者如官書傳記、行狀、碑誌、新聞記載、雜誌論文、私人筆記、以及參用史料，專題研究所得而成之史籍，與夫總合敘述史蹟之真相，而使讀者明瞭一事，或一時代之政治外交社會經濟情況及人民生活之專著等，均其明例。

本社向以搜集史料影印流傳爲職志。其卷帙較多之大清實錄、東華錄、十朝聖訓、清季外交史料，政治官報等鉅製，均已先後出版，甚獲好評。茲再商得近代史學家沈雲龍教授之同意，就上述範圍，代爲搜羅選輯卷帙較少而有價值之史料，陸續影印，並承惠允將其所藏罕見之孤本若干種先行借出攝印，以供海內外學人治近代中國史者之參考。

文海出版社謹識

中華民國五十五年十月

近代中國史料叢刊 第二十七輯

目錄

WIKS 62  
TOP SHIPAN

宮傳楊果勇侯自編年譜.....楊芳撰

劉中丞(霞仙)奏疏.....劉蓉著

嶺西公牘彙存.....方濬師著

兩壘軒尺牘.....吳雲著

小航文存.....王照著

方家園雜詠紀事(增：吟草四種).....王照著

做帶齋主人年譜.....徐蘆著

舊聞隨筆.....姚永樸著

入幕須知五種.....張廷驥編

1. 幕學舉要.....萬維翰著

2. 佐治藥言.....汪輝祖著

3. 學治臆說.....汪輝祖著

4. 辦案要略.....王文槐著

5. 刑幕要略.....佚名著

求牧芻言(增：誰園詩稿).....阮本焱著

道光庚子冬鐫

宮傳楊果勇侯白編率譜

南海傳寶和堂藏板

御賜

醴酒  
甫錫  
美饗

自編年譜敘

譜者譜其言譜其行芳黔南小民老親之少  
子也家赤貧無以盡養急圖生計起自行間屢  
經戰陣不死餘生已虛度七十餘年矣深慚言  
無可述行無可表何譜之有哉顧念生平少而  
壯壯而老經過險阻艱難敢云備嘗辛苦惟  
先德源流貽謀有自

天恩高厚報稱未遑帥德帥功不忍湮沒據事直書使  
後嗣知感云爾

南海傅祥麟校刊



自編年譜卷一

高宗純皇帝乾隆三十五年庚寅

先建威將軍年四十三歲 先太夫人年三十

七歲十一月十六日午時生芳於貴州銅仁府

分駐松桃廳城南門大街命名曰芳字通達號

誠村姓楊氏系出漢太尉伯起公震世居關西

其遷居黔楚則自再思公始家譜載再思公以

唐懿宗咸通十年己丑歲生至昭宗朝值世亂

馬殷據長沙虎視滇黔公先由淮南丞遷辰州

長史

芳按唐志淮南採訪使治揚州其時無淮南丞長史係王府官外官惟天下兵馬元

帥副元帥都統副都統有行軍長史行軍結營司馬之職然不常設譜所稱殆未足據也

靖州飛山扼要拒之屢戰屢捷與李克用同受

昭宗絹詔徵兵道長梗阻眾奉為誠州刺史稱

令公焉芳按令公之稱最著者在唐為郭令公在宋為楊令公考之宋令公為楊業業

在邊防二十年契丹憚之六子皆貴顯延昭尤

驍勇善戰昭子文廣為廣西黔轄知宜邕二州

英宗曰文廣名將後且有功擢誠州團練使世

稱楊氏世將據此則譜稱再思公為令公且字

文廣者誤矣當是令公威名最著當時遂

以令公之稱加之再思公而譜遂仍之耳 慙五

代天下多遭塗炭獨公奉唐正朔保障滇黔民

賴以安芳按此條可破宋史楊承磊族人以地附楚之謬唐祚雖絕當時猶有用天佑

紀年以號召其國者獨馬殷父子甘心臣附我

楊氏據有二十二州之地以再思公天挺人豪

夙知順逆又力能自固豈肯以其地附不耻臣  
梁之馬殷其奉唐正朔保障滇黔自是公生平  
孤忠偉績故英風靈爽至今猶赫赫照人耳目  
永享廟祀榮膺褒封非偶然也五季之亂史  
官失載固無足怪賴家譜猶足以證  
明未可與稗官野乘一例斥之也 卒於後周

世宗顯德四年丁巳壽八十七葬今黎平府長

嶺崗亥山已向民思其德爲之立廟曰飛山宮

祀之溯伯起公至再思公二十四世宋開寶八

年乙亥繼嗣入貢追封英惠侯 芳按宋史南蠻傳太平興國四

年首領楊蘊始來內附八年楊通寶生子十二

始入貢命爲誠州刺史亦與譜小異受土分鎮滇黔派衍日繁各就家焉歷八世宋

淳熙八年再思公八世孫再西公由鎮遠邛水

自 卷之三十一  
署安撫使奉詔開墾銅仁歷二十年至嘉泰元  
年辛酉功成回任卒於途弟再濛子政強政干  
政綱各以功授官壩馬省溪提溪等處今銅仁  
府屬政干公生通晟公由通邏創居今四川秀  
山縣邑梅司生子八光輔公住邑梅光同公住  
石耶司光貴公住溶溪光龍公住平茶光黨公  
住烏羅司皆其長也芳祖最少諱光義元順帝  
至元四年紅苗不靖由邑梅司率本族及龍伍  
二姓少壯子弟三千人逐苗安業於今秀山縣  
屬之九江里以所生四子分住土壘峒平城峒

寨丙峒雲羅壘峒其清水江之落塘稿坪明鏡  
江之木樹埧得亦俱有之厯元明以農世其業  
家世素封因地近苗藪凡子弟幼攻讀壯習武  
事長於戰守隱德弗耀厯十二世芳土壘峒七  
世祖再思公二十五世孫諱通苟生光海公光  
海公生昌斌公昌斌公生子三長芳高祖勝麒  
公生曾祖繡斗公繡斗公生子四少諱再振芳  
大父也篤友于讓產於諸兄雍正八年定苗亂  
有鄉導功乾隆元年當事議建城蓼臯祖產也  
城有山可遠眺其實瞭高也名其城曰松桃設

同知副將駐守大吏欲割川邊隅歸黔誘以營  
千戶大父以鄉里近城郭差徭爲子孫累不受  
職強之不從攜族弟再基訴於成都奉批清水  
江明鏡江俱撥歸於黔就近管轄惟九江里之  
楊某等嘵嘵詞懇毋庸議撥至今松桃廳城南  
雲羅壘寨丙土壘平城皆相去數里而秀山本  
縣轉相去百數十里子孫無差徭累大父生子  
二先大人再思公三十世孫諱正秀少孤同  
兄皆幼冲依祖妣姜太夫人孀居因大父讓產  
無所資始遷居松桃廳城遂爲松桃廳人既長

謹守父志與諸從兄弟友愛如同胞不言產事  
充行伍事母至孝喜怒不形于色與物無競善  
騎射出師緬甸在老官屯一路屢戰爭先因主  
將獲咎未敘功 太夫人氏張生芳兄弟六人  
長紳次明三靈四倫皆 先大人未出師以前  
生四兄倫仕至石峴衛千戶少弟幼殤姊四妹  
一 太夫人言生芳之前夕夢仗劍入異卉芄  
芄若四梳節署見巨鱗五初出者驚而遁二三  
出者手刃之又出不及刃最後鱗角崢嶸七刃  
七躍終無傷覺而異之

乾隆三十六年辛卯二歲

長姊年十八適本籍雷氏子文鳳業儒

乾隆三十七年壬辰三歲

妹生長兄年二十一歲娶邱氏二姊年十七適

本籍陳氏子永位官把總出征教匪歿於陣其

子雲相襲雲騎尉次子祖榮亦歿於陣三子雲龍承襲

乾隆三十八年癸巳四歲

乾隆三十九年甲午五歲

弟生長兄生子名太生

乾隆四十年乙未六歲



四兄十歲就外傅

乾隆四十一年丙申七歲

出痘結毒體甚羸弱三姊年十九適本籍石氏  
子榮行伍少弟殤

乾隆四十二年丁酉八歲

二兄十八歲卒長兄之長子太生歿

乾隆四十三年戊戌九歲

三兄十七歲卒

乾隆四十四年己亥十歲

與妹依母膝讀兩兄村塾所遺書殘本常撫卷

流涕是年就明經朱獲菴先生之麒學贈字遇

春後遇忠武公時齋族叔父乃更號誠村派名

通達因以爲字

乾隆四十五年庚子十一歲

受業府廩膳生黃蒼蓮先生河清始學作文

乾隆四十六年辛丑十二歲

十一月二十八日 祖妣姜太夫人年八十六

歲壽終松桃廳故宅塋土塋鳳江園祖塋

乾隆四十七年壬寅十三歲

應童子試受知同知孫松泉先生良慧留署供

讀摘授左史課期先生自成三藝選三藝命知制藝法

乾隆四十八年癸卯十四歲

乾隆四十九年甲辰十五歲

松泉先生運京鉛瀕行曰汝功名必大成學問之道無盡止明理盡性終身受用無窮

乾隆五十年乙巳十六歲

歲試以忤學使被逐適甘肅逆回未靖投充銅仁協左營行伍先大人指授騎射心領神會與友人夏若霖學劍嘆曰一人敵耳復壹志經

史涉獵羣籍及古雜家言四載

乾隆五十一年丙午十七歲

乾隆五十二年丁未十八歲

乾隆五十三年戊申十九歲

先大人抱恙

芳

虔禱於梵淨山山在銅仁思南

兩府界盤折百里而上至山巔翠峯矗立懸鏡

練猿升約五千尺有石室塑觀音大士像再上

則劈爲兩頂援峽牽練及半傍崖唇窩勺水一

吸盡旋供次第吸不吸不溢名曰定心水斜登

三千尺及頂上連石橋長五十餘丈寬三丈彩

虹飛渡南頂石殿塑彌勒佛北頂石殿塑釋迦  
佛石室兩殿之前均有石稜立橫伸五丈餘如  
戩隄寬二尺許面平如鏡日捨身巖步險儘前  
拈香眼下萬億深澗目眩心悸人多不敢到到  
者輒自詡頂旁石洞有前明修山使工部員外  
郎李公跌坐肉身余常化惡從善者誘謁靈山  
至牽鍊處戰慄不敢遽登問故曰我有虧心令  
其悔過自新無不白其隱而懺之噫聖人神道  
設教之意深遠哉對山半崖平臺十餘里遍產  
黃連叢中突出雲胎風引雲頭漸若網衣平鋪

百餘里來裹山腰繞成雲海雲底霹靂閃電時  
六月十九日大雨時行山頂晴空如常移時電  
息雷止俯視雲底乍吐大珠大如車輪漸升漸  
大色分五彩光嵌佛像朝見于西暮見于東咸  
謂佛光見必俯首參禮其實日光下射日高雲  
低身立其間背光下視影嵌光中卽己身也

乾隆五十四年己酉二十歲

銅仁協左營把總郭瓊菴公榮以次女許婚女

適胡希照步卒後厯八月病危得姜都司冕用

官藍翎守備戰歿生軍枳實黃連活之先大人旋抱恙卽茹素

侍疾朝夕跪誦內典九月二十日子時見背臨  
終囑曰勿謂力不能行善事不能盡善不作不  
善卽善矣二十四日午時塋土塋牛角河丁山  
癸向先是堪輿沈英賢三十年前窺其地吉係  
芳祖產不可得密而未宣後因與其家締媾適  
先大人抱恙乃囑用之及營塋以去林木根底  
穴暈畢露塋後囑曰不出一紀之年當有極品  
之貴又來脉起自翁梅梢十數枝榦逐節个字  
中抽左右皆有吉曜擁護後嗣一節一世益遠  
益長不待龍運行盡約十世後遇清明節良日

吉時量爲修理墓前石碑勾回脈氣又自明堂起運旋乾轉坤之一法是歲長兄次子承瀚生乾隆五十五年庚戌二十一歲

時初遭大故拮据彌甚仰事俯育獨身任之內外無間言

乾隆五十六年辛亥二十二歲

小妹二十歲適沈氏子霈霖業儒

生兩子長祥燮歲貢生次

祥煦由藍翎軍功授安徽盱眙令今改調合淝令

乾隆五十七年壬子二十三歲

歲前釋先大人服照常踰靈几誦經獻食仲



冬從俗修水陸道場奉先大人木主入祠奉

太夫人命始茹暈

乾隆五十八年癸丑二十四歲

先太夫人爲芳授室先室郭夫人以三月來歸

乾隆五十九年甲寅二十五歲

孫都司

清元

延課其戚子姪等讀

清元直隸晉州人乾隆戊

戌武會元由湖南城步守備升

松桃協都司終四川提督任

乾隆六十年乙卯二十六歲

正月初六日城北六十里大寨寅苗日石柳鄧

椎牛賽神哨聚千餘人黃同知昌禔副將嵩舒

皆往謁督撫孫都司攝副將事差探至十三日  
屢報止於瘋癲無他叛逆芳疑之請命往徒步  
入其巢先晤苗鄰客民張良秀知買紬製帥旗  
由良秀遣工人吳姓導見石柳鄧從弟石老貴  
知逆謀起自己酉年惑於楚豫僧道七人密約  
候苗衆先發隨後應之教匪之譎謀也芳以愚  
苗無知勢雖張苟能以片言解釋之免撻伐全  
生靈則一身不足惜直趨石柳鄧家甫近寨衝  
出雙刀六賊撲擊雪深徑尺吳姓相攜遁盤旋  
谿谷繞越後山叢林中號鑼鎗聲肆起出賊六

十餘將及之先棄冠誘其爭搶復棄表裏裘服  
奔八里至大塘汎始免於難見汎弁千總朱洪  
芳姑表兄也驚問其由已不能言及該汎探差  
狼狽繼至倒地呼曰苗衆已燒殺落水峒居民  
二十餘戶洪問計曰汎存與存汎亡與亡職也  
歸請援兵來兄存救汎兄亡收屍索短裘嚴束  
疾行五里至長興堡居民百餘戶晨起炊爨雇  
肩輿行三里民衆知而羣奔輿夫棄輿逃芳集  
男婦中行四十里至長冲得長兄騎至薄暮回  
城老母倚閭涕出稟慰曰兒無事疾趨副將署

見都司以下官皆相待決策曰賊已叛矣偵知賊改元旦於初三日視人心向背十八爲元宵藉慶上元節與湖南苗同叛稟候批而後用兵勢不及待莫若先發制人掩其不備必能一鼓成擒惟地方軍務不關白文職卽使殄滅究涉孟浪當約兼攝同知銅仁知府來一面調兵謀定而後戰較爲穩妥十五日午後集兵三百沈知府丙亦到酉刻發兵知府同進四鼓回大塘汎汎尙在表兄亦存先傳各寨苗目悉具無事甘結惟石柳鄧不至兵役數往悉遭趕殺黎

明孫都司率兵進擊賊衆先據山梁搖旗放鎗對敵至日中與孫都司千總汪連棟謀率大炮分兩翼抄左右山擊其肋賊始披靡追過山梁卽石柳鄧家父子七人乘間逃逸越土空河入湖南黃瓜寨分兵追之一面焚搜寨落獲軍師易大殲斃苗女七妹假仙女集市屢踏繩戲法蠱惑苗衆者也及石柳鄧妻媳割取首級訊據易大供出具結苗目中曾受僞封將軍總督之老茶等三十七人悉擒之是役也三十七賊目各帶苗衆千百山上觀如石柳鄧果戰勝則所

言家藏太子仙女兵書寶劍屬實皆附之則勢將不可遏矣及見官兵勝知所言妄謬故不敢附從得按名鎖拏苗眾懾服黔疆悉平先是湖南鎮筭總兵明安圖永綏協副將伊薩納亦知黃瓜寨苗目石三保煽惑楚苗同叛由遲至十八日始率兵往捕值苗眾大會眾寡不敵全軍覆沒苗氛頓熾分投焚掠營汛失守鳳凰永綏乾州保靖各廳縣皆被圍屠附近苗寨居民搜殺一空黔省尤甚苗匪雜處客民得於旬日之間先乘隙攜眷脫難者由最先平黔苗之力也

二十六日楚苗衝卡入黔圍攻嗅腦遊擊營逼  
脇黔苗復叛二十七日黎明直趨松桃廳城焚  
燒東西關廂撲近城下鎗箭砲石交加移時城  
中陣傷兵民十四名城外廟宇焚燒一空人情  
鼎沸莫知所措惟飛山廟烈焰四起完好如故  
軍民見之哭泣失聲墜城出者數百人踏溪逐  
退賊衆爭負神像入城供奉每飲食必先薦之  
自是戰守兩月未傷一人後雲貴總督大學士

貝子文襄公福

康安

至聞其靈異奏請褒封蒙

賜宣威助順匾額廟卽再思公祠也

文襄公是年晉封  
公爵次年錫封貝

子歿於軍追封郡王城南三里雲羅堊石崖矗立四面陡

削高逾數百尺上容數千戶變起倉卒城鄉居

民近城者避於城近堊者避於堊從叔父正熙

率子弟拒之該匪分起攻圍城堊而城堊依為

犄角互相聲援該匪於城則聲索而擒之三十

七首領皆隨時碎屍擲首與之於堊則指名索

取盤剝苗眾之客民正熙叔計誘賊首龍石保

龍老裘等上堊任其遍搜無獲欲去叔止之曰

汝等能為我斥退賊眾即留汝等為質否則殺

之賊目畏死喝散其黨

文襄公量功陞賞正熙叔辭以老舉其子銅仁



府生員通任姪廩膳生員通茂奏請藍翎以州  
同州判歸部選族弟廩膳生員棟秀亦團練協  
防銅仁得賞六品軍功後以壬戌  
科聯捷進士任浙江海防同知 芳聞往見龍

石保等令使其子弟溷入賊中密探賊情因得  
畫策爲知府都司信任兩越月戰必勝攻必克  
驅軍民如指臂籌無遺策時鎮遠鎮總兵諸隆  
阿聞變趕至正大營被阻拒守千總磚堡提督  
彭公廷棟總督文襄公相繼趕至銅仁府城彭  
公病歿於城安籠鎮總兵花連布代之兩省苗  
大肆焚掠千總外委汛防皆失守僅存嗅腦遊  
擊土壘守備黃上遠千總汪連棟守之松桃城